



FORÇA JONË

* * * Viti III • Nr. 24 • Qershor 2014 • Ministria për Forcën e Sigurisë të Republikës së Kosovës * * *

Intervistë me ministrin e Ministrisë për Forcën e Sigurisë të Kosovës, z. Agim Çeku

Ministri Çeku realizoi të gjitha objektivat e deklaruara në ngritjen dhe avancimin e FSK-së

Agim Çeku, për katër vite sa e ka drejtuar Ministrinë për Forcën e Sigurisë së Kosovës (MFSK) ka arritur t'i realizonte të gjitha premtimet e tij, siç janë: Arritja e Kapaciteteve të Plota Operacionale; Fuqizimi i Partneritetit me NATO-n; Thellimi i bashkëpunimit me ekipet e NATO-s dhe KFOR-it në Kosovë; Ngritjen dhe ndërtimin e FSK-së si forcë profesionale, apolitike, kompetente, dinamike, të disiplinuar shumetnike të ndërtuar në përputhje me standardet më të larta të NATO-s, por, me stil dhe identitet kombëtar-vendor; Partneritetin e FSK-së me Gardën Kombëtare të IOWA-s (SHBA); Ndërtimin e raporteve të partneritetit dhe mirëbesimit me forcat e armatosura të vendeve në rajon si dhe anëtarësimi dhe pjesëmarrja e Kosovës në të gjitha iniciativat dhe projektet rajonale për mbrojtje dhe siguri; Nënshkrimin e mar-

rëveshjes SOFA me Shqipërinë; Rishikimin Strategjik të Sektorit të Sigurisë dhe hartimin e legjislacionit të ri për krijimin e Forcave të Armatosura të Kosovës (FAK). Të gjitha këto të arritura janë bërë pas një pune vërtetë të madhe, profesionale dhe këmbëngulëse, të ministrit Agim Çeku dhe stafit të tij. Për të kuptuar më shumë për të arriturat e përgjithshme të MFSK-së, zhvilluam një intervistë me ministrin Agim Çeku.

Z. ministër, me të marr detyrën e Ministrit të Ministrisë për Forcën e Sigurisë së Kosovës, prioritetet tuaja i keni shpalosur në gjashtë pika. Tani pas katër vjetësh, sa keni arrit ta realizoni planin tuaj?

Ministri Agim Çeku: Unë gjithmonë i ndërtoj prioritetet e mia duke u bazuar në vlerat kombëtare, nevojat dhe kapacitetet e vendit, si dhe anëtar të plotë të



FSK-ja gjithmonë në shërbim të vendit dhe qytetarëve të saj!

FSK-ja ka realizuar operacione dhe projekte të shumta në mbështetje të autoriteteve civile, komuniteteve dhe qytetarëve. A mund të na thoni diçka më shumë?

Ministri Agim Çeku: FSK-ja ka

realizuar shumë projekte humanitare, që të gjitha në shërbim të qytetarëve të Kosovës. Unë mburrem me angazhimin dhe realizimin e shumë e shumë projekteve të ndryshme që janë në shërbim të qytetarëve tanë.

FSK-ja gjithkund është afër atyre, që kanë më së shumti nevojë. Ky besim është arritur me punë, me angazhim maksimal, me profesionalizëm dhe bashkëpunim në nivel lokal, qendror dhe ndërkombëtar.



NATO-s, dhe BE-së. Po ashtu, rëndësi të veçantë në përpilimin e tyre zë edhe bashkëpunimi regjional. Vetëm kështu mund të arrihet një siguri e qëndrueshme për vendin tonë. Pastaj, këto prioritetet harmonizohen me programin Qeverisës. Do të më duhet shumë kohë për të shpjeguar një proces të tillë, por me lejoni të përmend se prioritetet e mia janë realizuar, disa plotësisht e disa janë afër përfundimit sepse edhe natyra e tyre është e tillë. Çdo prioritet është proces. Nëse flasim për prioritetet të natyrës teknike siç është arritja e Kapaciteteve të Plota Operacionale, atëherë mund të them se është realizuar 100%, por nëse flasim për prioritetet që kanë të bëjnë me anëtarësimin në disa institucione regjionale të sigurisë që kanë dalë nga iniciativat e anëtarëve të NATO-s, atëherë ky prioritet është realizuar pjesërisht. Por, në tërësi, të gjitha prioritetet kanë ecur dukshëm, ku si me më rëndësi është përfundimi me sukses i Rishikimit Strategjik të Sektorit të Sigurisë.

Ministria që ju drejtoni ka dy vite që në vazhdimësi ka punuar për Rishikimin e Sektorit Strategjik të Sigurisë. Çfarë mund të na thoni për këtë z. ministër?

Ministri Agim Çeku: Së pari dua

të them se proceset si RSSS-ja bëhen vetëm nga shtetet e pavarura dhe sovraane që kanë qëllim të jenë sa më të përgatitura dhe në hap me kohën me trendët e fundit të sigurisë.

Aplikimi i rekomandimeve është po ashtu proces i rëndësishëm sa edhe vet vlerësimi i nevojave të sigurisë. Këto rekomandime janë paraparë të aplikohen brenda një periudhe disa vjeçare. Gatishmëria e Qeverisë që të përkrahë në maksimum këtë proces është për t'u lavdëruar dhe tashmë që nga fillimi i mandatit tonë pas zgjedhjeve të 8 Qershorit, ne menjëherë do të fillojmë me aplikimin e rekomandimeve. Kjo vjen pasi që në një ndër seancat e para të Kuvendit të ri të votohet transformimi i FSK-së në Forca të Armatosura.

Cilat janë arritjet e përgjithshme të FSK-së në fushën e kapaciteteve operacionale, dhe cili është bashkëpunimi me NATO-n pas plotësimit të këtyre kapaciteteve?

Ministri Agim Çeku: Kapacitetet operacionale si të përfunduara janë shpallë nga vet NATO-ja. Kjo ka ardhur si rezultat i punës së palodhshme nga ushtarët si dhe nga stafi civil. Ka qenë një prior-

itet i vendosur nga unë që është plotësuar 100%. Bashkëpunimi me NATO-n bëhet edhe nëpërmjet NLAT-tit (këshilltarëve ndërlidhës të NATO-s), si dhe nëpërmjet NAT (Këshilltarëve të NATO-s), që të dy grupet e këshilltarëve janë gjatë tërë kohës në rrjedha me çdo zhvillim të FSK-së. Ata kanë dhënë kontribut të drejtpërdrejtë në plotësimin e çdo standardi që ka çuar drejt arritjes së Kapaciteteve të Plota Operacionale. Unë për këtë gjë u jam shumë falënderues dhe

edhe në fushat e tjera të bashkëpunimit përveç atyre të sigurisë. Ata janë përfaqësues të denjë, së bashku me pjesën tjetër të Ambasadave tona, që i japin mesazhin e duhur botës për vendin tonë. Ne kemi atashe në vendet më me ndikim në botë, duke filluar nga SHBA, Gjermani, Belgjikë, Turqi etj. Misioni im i ri, ndër të tjerash do të jetë edhe vazhdimi i zhvillimit të programit për dërgimin e atasheve ushtarakë në vendet e tjerat të botës që janë me interes për shtetin tonë.

shkolluara. Gjithashtu, ne kemi shumë oficerë që vazhdojnë specializimet në qendrat shkollore në shumë shtete të Botës, mund të përmendi, SHBA-n, Shqipërinë, Maqedoninë, Kroacinë, Turqinë, Mbretërinë e Bashkuar, Gjermaninë, Bullgarinë, Lituanië etj., kemi shumë kadetë dhe oficerë të FSK-së, që po i kryejnë me sukses studimet dhe specializimet. Është një shembull shumë pozitiv, se oficerët e FSK-së, në këto qendra shkollimi po dallohen me rezultate kulmore, në mesin e shumë kadetëve të ushtrive të botës pjesëmarrëse, si dhe të shumtë janë ushtarët dhe ushtaret tona, që shpallen më të mirët në këto qendra shkollimi dhe trajnimi me prestigjiozët në Botë.

Një e arritur e madhe e FSK-së, është edhe pjesëmarrja në shumë ushtrime dhe trajnime ndërkombëtare, së bashku me ushtritë e rajonit dhe të botës. Cilat janë këto?

Ministri Agim Çeku: Me qëllim të mbajtjes së kapaciteteve operacionale të FSK-së, kemi realizuar shume aktivitete, si: stërvitje të përbashkëta, ushtrime fushore e tjera. Vetë pjesëmarrja e FSK-së në ushtrimet e përbashkëta me ushtritë e rajonit dhe të Shteteve të Bashkuara të Amerikës, është një ngjarje jashtëzakonisht e rëndësishme për ne. Pjesëmarrja e kadetëve të FSK-së, në Krivollak të Maqedonisë së bashku me kadetët e ushtrive të rajonit ka qenë një ngjarje e rëndësishme, sepse kadetët tanë kanë treguar se janë një

Z. ministër, shumë oficerë dhe nënofficerë të FSK-së, po shkollohen me sukses në shkollat ushtarake dhe në qendrat e ekselencës të NATO-s. Në cilat qendra po shkollohen pjesëtarët e FSK-së?

Ministri Agim Çeku: Për neve, shumë me rëndësi është shkollimi dhe përgatitja profesionale e pjesëtarëve të FSK-së. Në kuadër të FSK-së, me sukses po funksionon Qendra për Studime Universitare e FSK-së, ku për çdo vit përgatiten kuadro të



premtoj që ky bashkëpunim vetëm se sa do të thellohet. Fryma e NATO-s brenda forcave tona është evidente dhe askush nuk mund ta anashkalojë këtë gjë. Arritjet e FSK-së janë po ashtu arritje të NATO-s.

Ndër të arriturat më të mëdha të MFSK-së dhe FSK-së në fushën e bashkëpunimit ndërkombëtar është Partneriteti Shtetëror me Gardën Kombëtare të IOWA-s. A mund të thoni diçka më shumë?

Ministri Agim Çeku: Partneriteti Shtetëror me Gardën Kombëtare të IOWA-s është një ndër arritjet më të suksesshme e cila është me rëndësi jo vetëm për FSK-në, por edhe për vet shtetin tonë, sepse siç e dini nga ky partneritet kanë dalë shumë projekte bilaterale që nga fusha e bujqësisë e deri te ajo e arsimit. Ky partneritet me Gardën Kombëtare të IOWA-s shkon më tej projekteve të përbashkëta. Ne me shtetin e IOWA-s ndajmë vlera të përbashkëta për familjen, arsimin dhe respektin për veteranët e luftës.

Për herë të parë, FSK-ja ka dërguar atashe ushtarakë në shumë shtete të Botës. Sa e rëndësishme është kjo për FSK-në?

Ministri Agim Çeku: Shikoni, ne sapo kemi filluar ta shtrijmë ndikimin tonë ndërkombëtar nëpërmjet atasheve ushtarakë. Këta atashe përpos që i kanë plotësuar të gjitha kriteret e parapara, po ashtu ndihmojnë shumë



Ndërtimi i urave mobile

FSK-ja për herë të parë, vitin e kaluar e ka ngritur urën mobile mbi lumin Drini i Bardhë, në një afat rekord, që lidh aksin rrugor Klinë-Gjakovë. (e gjatë 55 metra e gjerë 5 metra). Kjo është një punë shumë profesionale që e kanë bërë pjesëtarët e Xhenios të FSK-së, të ndihmuar nga KFOR-i zviceran. Pastaj, FSK-ja ka ngritur edhe dy ura për këmbësorë në

Manastirin e Deçanit të cilat janë në shërbim të komuniteteve. Ditë më parë FSK-ja, gjithashtu ka ngritur edhe një urë mbi lumin Drini i Bardhë, në fshatin Krushevë e Vogël, komuna e Klinës, gati e përmasave të urës së parë (33 metra të gjatë dhe 4.5 metra e gjerë). Kjo dëshmon se FSK-ja gjithkund është afër qytetarëve të Kosovës dhe punon për qytetarët e saj.



Ekipet e deminimit kanë pastruar mbi 880.488 metra katror fusha të minuara

Ju e përmendët deminimin, një fushë shumë e rrezikshme që u ka sjellë shumë fatkeqësi qytetarëve të Kosovës. Në Kosovë ka pasur shumë fusha të minuara dhe mjete të tjera të pashpërthyer që nga pas lufta të mbetura nga forcat serbe, por edhe shumë mjete të pashpërthyer me rastin e bombardimeve të NATO-s, mbi caqet serbe. Minat dhe mjetet e pashpërthyer paraqesin rrezik të madh për qytetarët e Kosovës, kur dihet se në vitin 1999 janë regjistruar mbi 4500 fusha të rrezikshme dhe fatkeqësisht nga to kanë humbur jetën mbi 114 veta dhe mbi 450 qytetarë kanë mbetur të lënduar. Njësitë tona të deminimit janë njësi elite në këtë fushë të trajnuar mirë dhe kanë përvojën më të mirë në rajon. Këtë e kanë dëshmuar me punë dhe profesionalizimin. Që nga viti 2010,

deminerët e FSK-së kanë pastruar mbi 880.488 metra katror dhe kanë shkatërruar mbi 1104 mina dhe mjete tjera shpërthyes. FSK-ja ka edhe dy njësi të deminimit që kujdestarojnë 24 orë në ditë, për intervenime në rastet kur qytetarët hasin në mjete të ndryshme eksplozive dhe lajmërojnë për largimin e tyre. Këto ekipe kanë intervenuar në 1269 raste dhe kanë demoluar 2096 mjete të ndryshme eksplozive. Vlen të përmendet bashkëpunimi i FSK-së, me Ushtrinë e Suedisë, në lëminë e deminimit. Vitin e kaluar Kompania e deminimit të FSK-së, në bashkëpunim me Regjimentin "Gota" të Ushtrisë të Suedisë, (me makineri të rëndë) e kanë pastruar Parkun e Gërmisë, në Prishtinë, nga minat dhe mjeteve tjera të pashpërthyer.

forcë e përgatitur mirë, një force profesionale dhe e cila mund të krahasohet me të gjitha ushtritë e rajonit dhe ushtritë e NATO-s. FSK-ja është duke u zhvilluar dhe trajnuar në bazë të standardeve të NATO-s dhe në partneritet dhe bashkëpunim me vendet e rajonit dhe SHBA-s. Edhe gjatë vitit të kaluar, kemi realizuar shumë stërvitje dhe ushtrime të përbashkëta fushore me ushtritë e rajonit, këtu, mund të përmendi, stërvitjen e mbajtur në Shqipëri, e ashtuquajtura "Joint Reaction 13", pastaj ushtrimi i përbashkët fushor në Krivollak të Maqedonisë, "Shared Resilience 13" për menaxhimin e katastrofave, që kishte për qëllim rritjen e kapaciteteve të vendeve të A-5 dhe rajonit për krijimin e kapaciteteve të përbashkëta, me qëllim të menaxhimit të shpejtë të situatave të ndryshme të krijuara, qofshin këto emergjenca

civile apo aksidente të ndryshme. Objektivat e kësaj stërvitje ishin: Kuptimi dhe përdorimi i procedurave të përbashkëta për përbalimin e situatave, Rritja e ndërveprimit të personelit dhe pajisjeve, Zbatimi i procedurave standarde të veprimit për operacionet e kërkim-shpëtimit, Aplikimi i procedurave të NATO-s, Vlerësimi i kapaciteteve ushtarake në operacionet e kërkim-shpëtimit, etj. Pjesëmarrja e FSK-së, në ushtrimet rajonale po kontribuon në sigurinë rajonale dhe fuqizimin e bashkëpunimit në mes të shteteve të Rajonit.

Ju si ministër i MFSK-së, keni marrë pjesë në shumë konferenca rajonale dhe ndërkombëtare. Çfarë mund të na thoni më konkretisht?

Ministri Agim Çeku: Njëri nga objektivat e Ministrisë për

Botues: Departamenti për Marrëdhënie me Publikun, Ministria për Forcën e Sigurisë të Kosovës

Adresa: MFSK, Lagjia Emshir, Prishtinë

Adresa elektronike: informimi.mfsk@gmail.com

Tel: 038/551-379

Web: www.mksf-ks.org

Forcën e Sigurisë së Kosovës, ka qenë bërja e FSK-së "Forcë për të mirë" në rajon. Qëllimi ynë ishte anëtarësimi dhe pjesëmarrja e Kosovës në të gjitha iniciativat dhe projektet rajonale për mbrojtje dhe siguri, që njëherë ka qenë dhe mbetet objektiv strategjik i MFSK-së, në fushën e bashkëpunimit, të cilin e kemi realizuar plotësisht. Unë si ministër i MFSK-së, kam marrë pjesë në shumë Konferenca Rajonale dhe Ndërkombëtare për Siguri, siç janë: A-5, SEEDM, SEEBRIG dhe RACVIAC, Psh. Pjesëmarrja në: Sfidat e Sigurisë së Adriatikut dhe Jonit, mbajtur në Tiranë, Konferenca e Ministrave të Mbrojtjes së Kartës së Adriatikut në Ohër, Konferencën për Siguri në Munihi të Gjermanisë, Konferencën Ndërkombëtare për Hapësirën dhe Forcën Ajrore në Stamboll, Konferencën dhe Panairin e Mbrojtjes dhe Hapësirës Ajrore e Detare në Split, në Takimin e Drejtorëve të Politikave dhe Planeve të Kartës së Adriatikut në Podgoricë, Konferenca e 21-të Vjetore e Ushtrive të Evropës në Wiesbaden, Gjermani, Takimi Ministerial gjithëpërfshirës Rajonal në Brdo, Slloveni dhe organizimin e Konferencës "South Eastern Europe: through inclusive regional cooperation towards European Integration", mbajtur në Prishtinë. Pjesëmarrja e MFSK-FSK-së, në këto konferenca rajonale dhe ndërkombëtare do të thotë shumë, sepse është një hap i rëndësishëm drejt anëtarësimi të plotë në strukturat ushtarake të NATO-s. Ky objektiv imi është drejt realizimit të plotë, pasi që, kohë më parë, Kosova - FSK-ja është pranuar si vëzhgues në NATO.



Z. ministër, FSK-ja është vlerësuar si institucion shumë i besueshëm për qytetarët e saj dhe partnerët ndërkombëtarë. Si është arritur ky besim?

Ministri Agim Çeku: FSK-ja është institucioni më i besueshëm për qytetarët e Kosovës. Forca e Sigurisë së Kosovës është një prej tregimeve më të rëndësishme dhe të suksesshme të Kosovës së Pavarur, këtë e konfirmojnë edhe hulumtimet e fundit, prej të cilave FSK-ja aktualisht është institucioni më i besueshëm për qytetarët e vendit tonë. FSK-ja falë rezultateve, vizionit dhe realizimit të objektivave ka fituar besimin e plotë të qytetarëve të saj, sepse Ajo është në shërbim të gjithë qytetarëve dhe në shërbim të komuniteteve që jetojnë në Kosovë. Në kuadër të realizimit të objektivave të mija gjatë mandatit tim, dhe të bashkëpunimit me institucione vendore dhe ndërkombëtare kemi arritur që të realizojmë një varg projektesh të infrastrukturës, projekte humanitare, operacione të reagimit me rastin e fatkeqësive natyrore dhe të besimit të plotë të qytetarëve të Kosovës, etj.

Sa dëshmohet Forca e Sigurisë së Kosovës për ndërtimin e identitetit kombëtar dhe kultivimin e vlerave të luftës?

Ministri Agim Çeku: Si objektiv i

imi ka qenë ngritja e FSK-së, në bazë të standardeve të NATO-s, por me elementet të identitetit vendor dhe jam i përcaktuar për kultivimin e vlerave të luftës. FSK-ja, tashmë ka të përcaktuar formën dhe dizajnin e simboleve, gradave, uniformave të cilat kanë filluar ti barten që nga 27 Nëntori i vitit 2012, pastaj, sipas këtyre vlerave ne i kemi bërë emërtimin e kazermave dhe të njëjve. Ne jemi fuqimisht të përcaktuar që të vazhdojmë ta ruajmë traditën tonë të ngritjes së vazhdueshme në profesion, ashtu që viti i ardhshëm të na çoj më afër realizimit të objektivave të përcaktuar nga ne.

Z. ministër, dy nga ngjarjet e një rëndësie të veçantë për Ministrinë dhe FSK-në, janë nënshkrimi i Marrëveshjes "SOFA" me Republikën e Shqipërisë, si dhe pjesëmarrja e FSK-së në Paradën Ushtarake në 100-Vjetorin e Pavarësisë së Shqipërisë. Si i shihni këto dy ngjarje?

Ministri Agim Çeku: Nënshkrimi Marrëveshjes SOFA dhe pjesëmarrja e FSK-së, në Paradën me rastin e 100-vjetorit të Shpalljes së Pavarësisë së Shqipërisë janë dy nga ngjarjet më të rëndësishme për FSK-në. Nënshkrimi i Marrëveshjes "SOFA" me min-

istrin Imami të Ministrisë së Mbrojtjes së Shqipërisë në Prizren, konsiderohet shumë e rëndësishme jo vetëm për FSK-në, por edhe për Kosovën. Marrëveshja "SOFA" është një marrëveshje ushtarake që rregullon procedurat standarde të hyrjes-daljes, qëndrimit të përkohshëm dhe statusin e anëtarëve të Forcave të Armatosura të Republikës së Shqipërisë dhe të FSK-së, në territoret e shtetit përkatës. Edhe pjesëmarrja e FSK-së, në Paradën e shënimit të 100 -vjetorit të Shpalljes së Pavarësisë së Shqipërisë, në Tiranë ishte shumë domethënëse për ne, sepse për herë të parë FSK-ja parakaloi në bulevardin "Dëshmorët e Kombit" në Tiranë, me shumë sukses. 65 ushtarë dhe 11 ushtare ishin krenaria jonë. Ata u dalluan në të gjitha pikëpamjet. Kjo për ne ishte një mrekulli. Por, kur jemi te parakalimet, jo vetëm unë që po e them, por edhe ekspertët e kanë përgëzuar FSK-në, për Paradën e shkëlqyeshme në

FSK-ja çdo vit dhuron qindra doza gjak

Dhurimi vullnetar i gjakut në MFSK dhe FSK, tani është bërë tradicional, ku pjesëtarët e FSK-së, krahas punëve tjera që bëjnë në shërbim të atdheut i përgjigjen maksimalisht edhe aksionit human për dhurimin e gjakut. Ushtarët e FSK-së, gjithmonë janë në shërbim të qytetarëve dhe atdheut, sepse një pikë gjak e dhuruar është një jetë e shpëtuar. Aksioni për dhurimin e gjakut mbahet çdo vit në të gjitha Kazermat e FSK-së, dhe ku dhurohen qindra doza gjaku, nga pjesëtarët e FSK-së, për Qendrën Kombëtare të Transfuzionit të Gjakut, të cilat doza, janë në shërbim të gjithë atyre qytetarëve që kanë nevojë, më së shumti për të, etj.



Tiranë dhe në qendër të Prishtinës, në shënimin e Pesë-vjetorit të Pavarësisë së Kosovës, si dhe me ritëm të njëjtë shënuam 15- vjetorin e Epopesë së UÇK-së, në kazermën "Adem Jashari" në Prishtinë. Këto ngjarje dëshmuar se FSK-ja ka arrit nivel të lartë të profesionalizimit, me çka ne të gjithë krenohemi .

Z. ministër, cili është niveli i bashkëpunimit të FSK-së, me qytetarët dhe organizatat tjera joqeveritare?

Ministri Agim Çeku: Funksionimi i një institucioni ushtarak në kohët moderne lidhet ngushtë me zhvillimin e marrëdhënieve me qytetarët dhe shoqërinë civile. Afërsia dhe transparenca janë dy gjëra elementare që e bëjnë një institucion ushtarak të jetë gjithmonë pranë nevojave të qytetarëve dhe anasjelltas. Kjo lidhshmëri bëhet përmes Departamentin për Bashkëpunim Civil-Ushtarak (BCU), i cili funksionon në kuadër të Ministrisë së FSK-së. Ky departament ka për qëllim, që përmes aktiviteteve dhe bashkëpunimit të vazhdueshëm

me të gjitha institucionet dhe shoqërinë civile, të krijojë një imazh të mirë për FSK-në. Misioni i Departamentit Civil-Ushtarak është bashkërenditja e aktiviteteve ndërmjet FSK-së dhe autoriteteve civile, duke përfshirë popullatën, organizatat qeveritare dhe joqeveritare si dhe agjencitë vendore e ndërkombëtare, me qëllim të reagimit ndaj krizave të ndryshme në Republikën e Kosovës. Kontributi ndaj shoqërisë civile është jo vetëm vizion, por edhe një realitet i prekshëm në të gjithë veprimtarinë e FSK-së. FSK-ja me kapacitetet e saj, ka ofruar ndihmë dhe mbështetje jo vetëm brenda vendit, por edhe jashtë. Ky është treguesi më i mirë në vlerësimin e kapaciteteve që FSK-ja ka arritur.

Z. Ministër ju jeni të angazhuar edhe në krye të Komisionit për Verifikimin e Veteranëve të UÇK-së. Si po ecë ky proces?

Ministri Agim Çeku: Jam emëruar kryetar i Komisionit Qeveritar për njohjen dhe verifikimin e statusit të veteranëve, invalidëve dhe të pjesëtarëve tjerë të

FSK-ja me Njësit të Kërkim-Shpëtimit rajonal

Themelimi i Njësitit të Kërkim-Shpëtimit dhe Qendrës Regjionale të Task Forcës për trajnime ka qenë një nga objektivat e mia, që po realizohet. Njësitit rajonal i Kërkim-Shpëtimit është edhe një sukses i FSK-së, ndërsa, ngritja, profesionalizimi dhe zhvillimi i njësisë së Kërkim-Shpëtimit ka shënuar progres të madh. Në këtë aspekt deri me tani është definuar dhe aprovuar struktura e Kompanisë së Kërkim-Shpëtimit, është përzgjedhur personeli i paraparë në strukturë, janë klasifikuar pajisjet ekzistuese në ketë kompani sipas standardeve të UN-INSARAC. Qendra Regjionale e Task Forcës për trajnime të Kërkim-Shpëtimit, po realizohet me sukses, që ka qenë edhe një nga synimet e mia dhe objektivat që ka pasur Ministria e Forcës së Sigurisë së Kosovës. Formimi i këtij njësitit është bërë me ndihmën e drejtpërdrejtë të



SHBA-s. Intervenimet e pjesëtarëve të FSK-së edhe jashtë vendit. Ministria për Forcën Sigurisë gjatë vitit 2010 angazhoi njësitet e kërkim-shpëtimit gjatë përmblyjeve në Shkodër, për t'u dalë në ndihmë autoriteteve shqiptare dhe popullatës civile. Ky hap i FSK-së, gjeti përkrahjen dhe mbështetjen e nevojshme nga të gjithë faktorët vendorë dhe

ndërkombëtarë. Disiplina, përkushtimi dhe profesionalizmi i pjesëtarëve të FSK-së, që u përfshinë në këtë mision humanitar jashtë vendit ishte një vepër e madhe e cila u çmua shumë lartë nga autoritetet më të larta shtetërore shqiptare dhe nga popullata e Shkodrës me rethinë, si dhe nga autoritetet ndërkombëtare në Kosove dhe jashtë saj.



Ushtrisë Çlirimtare të Kosovës nga kryeministri i Qeverisë së Kosovës, z. Hashim Thaçi. Ta udhëheqësh Komisionin për Verifikimin e Veteranëve ka qenë një sfidë, jo edhe aq e lehtë, por me një bashkëpunim dhe angazhim maksimal të anëtarëve të këtij komisioni, Kryesisë së Veteranëve në Prishtinë dhe të qyteteve tjera të Kosovës, është arrit një punë e madhe në drejtim të verifikimit dhe kategorizimit të tyre, duke e ditur se konkurrenca ka qenë shumë e madhe, mbi 60 mijë veta kanë aplikua për njohjen e statutit të veteranit, invalidëve, dëshmorëve, etj. Procesi i verifikimit të veteranëve të UÇK-së, është në fazën finale, pasi që shumica e Zonave Operative këtë proces tani e kanë përfunduar. Listat do të bëhen publike që të kemi një listë vërtetë të saktë dhe të pranueshme. Ne mendojmë se deri kah fundi i qershorit apo më së largu deri në fillim të korrikut do të përmbyllet ky proces.

Sa është e pajisur FSK-ja me autobllinda, armatim dhe pajisje të tjera të sofistikuara?

Ministri Agim Çeku: Tani, FSK-ja ka armatim të lehtë, armë më bashkëkohore, armët më të mira. FSK-ja është e pajisur me armatim të gjatë dhe armë të brezit. Armët e gjata janë "HECKLER & CO", dhe "Glock, pra, armatimi i FSK-së është me standarde të NATO-s. FSK-ja çdo vit përfiton ndihma financiare në fushën e industrisë ushtarake, e të cilat shfrytëzohen për të blerë të pajisjeve ushtarake nga Turqia. Kemi filluar që të pajisemi edhe me autobllinda tash për tash i kemi pesë autobllinda si dhe me

pajisje rezervë dhe pajisje për mirëmbajtje të autobllindave.

Z. ministër, cili është mesazhi juaj për qytetarët e Kosovës?

Ministri Agim Çeku: Të nderuar qytetarë të Kosovës!

Ky është vit i zhvillimit të FSK-së. Vit i plotësimit të Kapaciteteve të Plota Operacionale. Vit i konfirmimit se FSK-ja është plotësisht e aftë për kryerjen e misioneve të saja kryesore në mënyrë profesionale dhe të pavarur. Vit që hapi një kapitull të ri për zhvillimin e mëtutjeshëm të Forcës së Kosovës. Vit i Rishikimit Strategjik të Sektorit të Sigurisë. Vit i procesit që përcakton kapacitetet që janë të nevojshme për t'u garantuar siguria e shtetit tonë në të ardhmen. Ky është rezultat i punës sonë të përkushtuar, që nga dita e parë e themelimit të FSK-së.

Në zhvillimin tonë të mëtutjeshëm, ne bashkëpunojmë ngushtë me miqtë dhe partnerët tanë të cilëve u jemi shumë mirënjohës për mbështetjen e tyre. Ne kemi shumë arsye për të cilat duhet krenuar, ndonëse ende ka shumë për t'u bërë. Forca është një forcë për të mirë, e cila ofron mbështetje për të gjithë qytetarët e shtetit tonë dhe është e gatshme për të ndihmuar të gjithë ata që kanë nevojë në nivelin shtetëror, rajonal dhe ndërkombëtar.

Në fund, më lejoni që t'i falënderoj të gjithë qytetarët e Republikës së Kosovës për përkrahjen pa rezervë për Forcat tona, dhe dua t'ju sigurojë se, Misioni i ri vetëm se ka filluar. Qytetarët e meritojnë të kenë Forcat e tyre të armatosura dhe kjo gjë po realizohet.



Intervenimet në hapjen e rrugëve nga bora dhe ujëra

Intervenimi i njësiteve të FSK-së, në fshatin Restelicë, në operacionin e dhënies së ndihmës për qytetarët e kësaj treve, pas shembje së ortekut të borës, ku pjesëtarët e FSK-së, arritën që të nxjerrin të gjallë, Amsera Reka, 5 vjeçe, vajza e vetme e familjes Reka, intervenimi pas përmbytjeve të mëdha të shtëpive në Komunën e Klinës, Gjakovës, Pejës dhe Skenderajt, ku ekipet e specializuara të FSK-së, arrijnë t'i shpëtojnë shumë



qytetarë. Edhe përkundër ekspozimit të situatave mjaft komplekse, sukseset e FSK-së, në të gjitha operacionet flasin më së miri për disiplinën, përkushtimin, vullnetin dhe profesionalizmin e njësiteve të Kërkim-shpëtimit, në ujëra, në male, të zjarfikësve etj. FSK-ja, ka realizuar shumë projekte në shërbim të të gjithë qytetarëve në Kosovë, pa marrë parasysh bazën etnike, religjioze dhe regjionale, si hapjen dhe meremetimin e rrugëve, ndërtime dhe meremetimin e shtëpive, meremetimin e çerdheve për fëmijë, ndihma dhe asistencë mjekësore për komunitete, realizimi edhe i shumë projekteve të tjera, në të gjitha vendbanimet e Kosovës.

FSK-ja në mbështetje të projekteve qeveritare

Natyrë e disa projekteve të nivelit kombëtar, siç janë: operacionet e çminimit, mbrojtjes kimike-atomike-biologjike, kërkim-shpëtimit urban, malor, ujqor etj, i bëjnë të veçanta edhe angazhimet e FSK-së. Inspektimi, mirëmbajtja dhe largimi apo eliminimi i materieve të ndryshme kimike, janë detyra që kryen pjesëtarët e Kompanisë për Mbrojtje Kimike-Atomike-Biologjike. Përfitimet që kanë qytetarët dhe institucionet e ndryshme, nga ato lokale e deri te ato qendrore, është shumë i madh. Përpos inspektimeve rutinë, kjo njësi intervenon edhe mbi bazën e kërkesave nga institucionet dhe qytetarët e Kosovës.

Marrëveshje bashkëpunimi në mes Departamentit të Mbrojtjes së SHBA-ve dhe MFSK-së

Ministri i MFSK, Agim Çeku dhe zëvendës ambasadorja e SHBA-s, në Republikën e Kosovës, Jennifer Bachus, më 8 maj 2014, në ambientet e Ministrisë, nënshkruan Marrëveshje bashkëpunimi në mes të Ministrisë për Forcën e Sigurisë së Kosovës dhe Departamentit të Mbrojtjes të Shteteve të Bashkuara të Amerikës. Kjo Marrëveshje ka për qëllim krijimin e kushteve themelore dhe procedurave tjera për të lehtësuar ofrimin reciprok të mbështetjes logjistike, furnizimeve, dhe shërbimeve të tjera, kryesisht gjatë ushtrimeve të kombinuara, traj-

imeve, dërgimit-dislokimit të trupave, transportit detar, operacioneve, por edhe në rastet e tjera të bashkëpunimit si në rrethana të paparashikuara ose urgjencave në të cilat njëra prej palëve mund të ketë nevojë për mbështetje logjistike, furnizime, dhe shërbime.

Gjatë takimit, të dyja palët janë pajtuar, që në kuadër të bashkëpunimit në mes të Departamentit të Mbrojtjes të Shteteve të Bashkuara të Amerikës dhe Ministrisë për Forcën e Sigurisë së Kosovës, të vazhdojë bashkëpunimi për furnizim dhe shërbime të ndërsjella në mes të

Departamentit të Mbrojtjes së Shteteve të Bashkuara të Amerikës dhe Ministrisë për Forcën e Sigurisë së Kosovës.

Mbështetja logjistike, furnizimi dhe ofrimi i shërbimeve, sipas kësaj Marrëveshje, do të bëhet në përputhje me rregullat ligjore kombëtare dhe ndërkombëtare.

Marrëveshja ka përcaktuar kushtet në bazë të të cilave të dyja palët do të realizojnë të drejtat dhe do të përmbushin detyrimet/obligimet e tyre, ku secila palë do të bëjë përpjekjet e saj, në përputhje me prioritetet kombëtare, për të përmbushur kërkesat e palës tjetër.



Presidentja Atifete Jahjaga dhe komandanti i FSK-së, gjeneral Kastrati, vizituan Qendrën për Studime Universitare të FSK-së

Presidentja e Republikës së Kosovës, z. Atifete Jahjaga, më 2 maj 2014, vizitoi Qendrën e Studimeve Universitare të FSK-së, ku u prit nga komandanti i FSK-së, gjeneralletjënant Kadri Kastrati dhe kadetët e kësaj qendre. Fillimisht, komandanti i FSK-së, gjeneralletjënant Kadri Kastrati e përgëzoi presidenten Jahjaga, për vizitën e saj, si dhe i njoftoi kadetët për qëllimin e ardhjes së saj në QSU.

Presidentja Jahjaga me këtë rast, tha se: Gëzohem që sot jam në mesin tuaj. Fillimisht për t'iu përgëzuar juve dhe paraardhësit tuaj për punën e palodhshme, për përkushtimin tuaj që e keni bërë për ngritjen e këtij institucioni qenësor për të ardhmen e Republikës së Kosovës, dhe pastaj për të diskutuar me ju për punën e madhe që po na pret për krijimin e Forcave të Armatosura të Kosovës.

Ju e dini mirë se për çdo institucion që është krijuar në Kosovën e



pasluftës se sa sfidues është çdo fillim. I tillë ishte edhe rrugëtimi i qytetarëve tanë për të realizuar ëndrrën e gjeneratave të tëra për të ndërtuar një Kosovë që frymon lirishtëm, një shtet të lirë, shtet të pavarur, shtet sovran.

Këto sfida që na dolën përpara, ne, si institucione dhe shoqëri, i kemi tejkaluar me një përgjegjësi jashtëzakonisht të madhe bashkë

me partnerët tanë ndërkombëtarë. Forca e Sigurisë së Kosovës ka qenë shtyllë e këtij rrugëtimi tonë - gjithëpërfshirëse, patriotike, profesionale, shumë e besueshme. Nuk është e rastësishme që sot po e ndërtojmë vizionin i cili do të shtojë obligimet tuaja, sepse si qytetarë të Kosovës, pavarësisht nga prejardhja etnike, ne besojmë në ju dhe në misionin fisnik që ju e keni ndër-

marrë për ta mbrojtur Kosovën, për t'i ruajtur vlerat e idealet mbi të cilat u betuam dhe për të avancuar bashkëpunimin me aleatët tanë strategjik.

Këtu qëndron edhe suksesi i reformimit dhe profesionalizimit tuaj të mëtutjeshëm. Ai është i garantuar falë guximit, kurajës, durimit dhe zotimit tuaj për ta përmbushur misionin tuaj". Presidentja Jahjaga, më pastaj, shtoi: "Në ditët në vijim, Kuvendi i Kosovës do të diskutojë ndryshimet kushtetuese që lidhen me krijimin e Forcave të Armatosura të Kosovës. Si në çdo demokraci, edhe te ne ky proces nuk ka kaluar pa kundërtënie. Dhe në këtë kontekst, dua t'ua rikujtoj të gjithëve se ky proces duhet të përmbillet me formimin e forcës tonë mbrojtëse.

Krijimi i Forcave të Armatosura është domosdoshmëri dhe ky opsion nuk ka alternativë. Kjo forcë është e Kosovës dhe për Kosovën.

Kosova do ta ketë forcën e vet mbrojtëse, e cila do ta komplettojë konsolidimin tonë si shtet dhe do të bëhet kontribuuese e sigurisë kolektive të Evropës".

Në fund, presidentja, duke ju drejtuar kadetëve shtoi: "Ju kadetë do të jeni jo vetëm përfituesit e trajnimeve dhe shkollimit profesional me standarde të NATO-s, por edhe shtylla e Forcës tonë të Armatosur. Jam shumë krenare për arritjet tuaja dhe me padurim pres ditën kur ju do ta integroni Kosovën në Aleancën Veri-Atlantike".

Presidentja, Atifete Jahjaga dhe komandanti i FSK-së gjeneral Kastrati, u ulën në mesin e kadetëve dhe biseduan shtruar me ta, për të ariturat e deritanishme dhe për të ardhmen e Qendrës për Studime Universitare të Kosovës, për FSK-në dhe për FAK-un. Po ashtu edhe kadetët i shtuan një varg pyetjesh presidentes Jahjaga, lidhur me Forcat e Armatosura të Kosovës..

Komandanti i FSK-së gjeneralletjënant Kadri Kastrati u prit me nderime të larta ushtarake në Suedi

Komandanti i Forcës së Sigurisë së Kosovës (FSK-së) gjeneralletjënant Kadri Kastrati i ftuar nga Komandanti i Forcave të Armatosura të Suedisë gjeneralletjënant Jan Salestrand nga data 19-22 maj 2014, qëndroi për vizitë zyrtare në Suedi. Qëllimi i vizitës ishte zhvillimi i mëtutjeshëm i bashkëpunimit mes dy forcave, Forcës së Sigurisë së Kosovës (FSK-së) dhe Forcave të Armatosura të Suedisë (FAS). Komandanti i FSK-se gjatë vizitës zyrtare në Suedi, kërkoi mbështetjen e mëtejshme të Suedisë me këshilltarët në Ekipin Këshillues të NATO-s (NAT) dhe Ekipin Ndërlidhës Këshillues të NATO-

s (NLAT). Kurse, në fokus të takimeve ishte përkrahja e Forcave të Armatosura të Suedisë, sidomos në ngritjen e Njesisë Rajonale të Kërkim - Shpëtimit dhe Qendrës së Ekselencës, duke përkrahur trajnimin e instruktorëve, mbështetja me pajisje dhe përkrahja për trajnimin dhe certifikimin e stafit të Njesisë Rajonale të Kërkim Shpëtimit nga INSARAG.

Komandanti i FSK-se me delegacionin e tij, gjithashtu, zhvilloi takime edhe me ushtruesin e detyrës së Komandantit Suprem të Forcave të Armatosura të Suedisë, gjeneralletjënant Jan Salestrand, pastaj takoi



Sekretarin e Shtetit në Ministrinë e Mbrojtjes, Carl von der Esch dhe Shefin e Shtabit të Armatës Suedeze, gjeneralmajor Anders Brannstrom.

Gjeneralletjënant Kadri Kastrati vizitoi edhe Regjimentin e Gardës Kombëtare ku u prit me nderime të larta ushtarake. Ai, në Gardën Kombëtare të

Suedisë, u njoftua më për së afërmi me strukturën, misionin dhe aftësitë mobilizuese dhe nivelin profesional të saj.

Komandantin Kadri Kastrati gjatë kësaj vizite e shoqëruan edhe drejtori i Operacioneve në MFSK, gjeneral brigade Zymer Halimi, këshilltari ushtarak nënkolonel Fadil Hoxha dhe i caktuari në detyrën e atasheut të FSK-së në Suedi majori Sefer Shyti.

Pas përfundimit të vizitës në Suedi, komandanti i FSK-së gjeneralletjënant Kadri Kastrati do të vizitojë edhe Kroacinë, ku do të marr pjesë në aktivitetin e zgjedhjes së ushtarit më të mirë në kuadër të ushtrive të NATO-s.

Komandanti i Forcave Tokësore të Forcave të Armatosura të Republikës së Turqisë, gjeneral Hulusi Akar qëndroi për vizitë në MFSK

Komandanti i Forcës së Sigurisë së Kosovës (FSK), gjenerallejtnant Kadri Kastrati, më 7 maj 2014, priti në ambientet e Ministrisë për Forcën e Sigurisë së Kosovës, komandantin e Komandës së Forcave Tokësore të Forcave të Armatosura të Republikës së Turqisë, gjeneralin me katër yje Hulusi Akar me bashkëpunëtorë. Për gjeneralin Akar u organizua priti zyrtare me togun ceremonial të FSK-së dhe me intonimin e himneve të dyja shteteve, Republikës së Kosovës dhe asaj të Turqisë.

Në takim të përbashkët, komandanti i FSK-së, gjenerallejtnant Kadri Kastrati, e njoftoi gjeneralin Akar mbi zhvillimin dhe të arriturat e Forcës së Sigurisë së Kosovës deri në këtë fazë në të cilën aktualisht gjendemi. Gjithashtu, gjeneral Kastrati e falënderoi gjeneralin



Hulusi Akar dhe delegacionin turk për rezultatet dhe dobitë e FSK-së si rezultat i bashkëpunimit dhe koordinimit në shumë fusha të precizuara edhe me marrëveshjen e bashkëpunimit ndërmjet të dyja ministrive dhe të dyja forcave.

Komandanti i FSK-së e njoftoi mysafirin edhe mbi procesin e Rishikimit Strategjik të Sektorit të Sigurisë së Kosovës (RSSS) dhe çështje tjera relevante mbi FSK-në dhe bashkëpunimin Kosovë-Turqi në fushën e sigurisë. Për RSSS

dhe rekomandimet e dala nga procesi një prezantim para delegacionit turk e paraqiti, gjeneral brigade Gëzim Hazrolli.

Nga ana e tij, gjenerali me katër yje Hulusi Akar u shpreh i lumtur që gjendet në mes miqsh, duke folur për gatishmërinë për mbështetje edhe më tutje të FSK-së, me shkolime, trajnime si dhe pajisje, njëkohësisht shprehu mbështetjen për Kosovën edhe në mekanizmat ndërkombëtarë dhe në NATO. Ai, tha gjithashtu se ne jemi të gatshëm që t'ju mbështesim fuqishëm edhe më tutje në realizimin e objektivave tuaja.

Delegacioni i Forcave të Armatosura të Republikës së Turqisë, në krye me gjeneralin Hulusi Akar u taku edhe me ministrin e Forcës së Sigurisë së Kosovës, Agim Çekun, me të cilin

biseduan rreth bashkëpunimit të mëtejshëm të dy ministrive dhe të dyja forcave.

Në priti të gjeneralit turk, ishin të pranishëm edhe komandanti i Komandës së Forcave Tokësore (KFT), gjeneral major Rrahman Rama, gjeneral brigade Bashkim Jashari, gjeneral brigade Zymer Halimi, gjeneral brigade Gëzim Hazrolli, gjeneral brigade Enver Cikaqi si dhe Kolonel Hasan Hoxha.

Vizita e komandantit të Komandës së Forcave Tokësore, gjeneralit me katër yje Hulusi Akar në Ministrinë për Forcën e Sigurisë së Kosovës, u zhvillua në kuadër të frymës së mirë të bashkëpunimit ndërmjet Ministrisë së Mbrojtjes të Republikës së Turqisë dhe Ministrisë për Forcën e Sigurisë së Kosovës.

Komandanti i FSK-së, gjeneral Kastrati priti komandantin e Komponentit Tokësor të Forcave të Armatosura të Suedisë, gjeneralbrigade Stefan Andersson

Komandanti i Forcës së Sigurisë së Kosovës (FSK), gjenerallejtnant Kadri Kastrati, më 5 maj 2014, priti në takim në Ministri, komandantin e Komponentit Tokësor pranë Shtabit të Përgjithshëm të Forcave të Armatosura të Suedisë, gjeneral brigade Stefan Andersson me bashkëpunëtorë.

Me këtë rast, komandant Kastrati e njoftoi gjeneralin suedez mbi zhvillimet në FSK, të arriturat, profesionalizimin, operacionet, stërvitjet si dhe me një varg temash të rëndësishme rreth realizimit të objektivave dhe planeve për të ardhmen. Në fjalën e tij gjeneral

Kastrati u fokusua në bashkëpunimin me Forcat e Armatosura (FA) të Suedisë, me ç'rast e falënderoi gjeneralin Anderson dhe shtetin e Suedisë për mbështetjen dhe përkrahjen, që Forcat e Armatosura të tyre i kanë dhënë FSK-së dhe Kosovës, në disa projekte të rëndësishme, duke veçuar kështu bashkëpunimin rreth deminimit të një lokacioni në parkun "Gërmia". Gjeneral Kastrati, gjithashtu, tha se FSK-ja dhe lidhshipi i saj është jashtëzakonisht i interesuar që bashkëpunimi në mes FSK-së dhe FA të Suedisë të vazhdojë edhe

më tutje.

Nga ana e tij, gjeneral brigade Stefan Andersson, komandant i Komponentit Tokësor pranë Shtabit të Përgjithshëm të Forcave të Armatosura të Suedisë, u shpreh se bashkëpunimi dhe miqësia ndërmjet FSK-së dhe FA të Suedisë është në nivelin më të lartë, dhe kjo është arritur falë kontakteve dhe projekteve të përbashkëta të dy institucioneve të të dyja shteteve, Suedisë dhe Kosovës. Gjenerali Andersson, shprehu gatishmërinë që një bashkëpunim i tillë të vazhdojë edhe më tutje.



Në takim të përbashkët morën pjesë edhe zëvendëskomandanti i FSK-së dhe komandanti i Komandës së Forcave Tokësore

(KFT), gjeneral major Rrahman Rama dhe shefi i Departamentit për Bashkëpunim e Siguri, nënkolonel Hasan Hoxha.

MFSK dhe Forcat e Armatosura të Turqisë nënshkruan Marrëveshje bashkëpunimi në fushën e shëndetësisë

Në spitalet ushtarake të Turqisë do të trajtohen falas 50 pacientë, pjesëtarë të MFSK-së dhe FSK-së. Sekretari i përgjithshëm i MFSK-së, dr. Shkëlzen Sylaj, së bashku me një delegacion të Ministrisë qëndroi për një vizitë pune, treditore në Republikën e Turqisë. Qëllimi i vizitës ishte nënshkrimi i Marrëveshjes së Bashkëpunimit-Protokollit në mes të Qeverisë së Republikës së Kosovës dhe Qeverisë së Republikës së Turqisë, për trajnim dhe bashkëpunim në fushën e shëndetësisë ushtarake.

Në emër të Qeverisë së Republikës së Kosovës marrëveshjen e nënshkroi sekretari i përgjithshëm i MFSK-së, dr. Shkëlzen Sylaj, ndërsa në emër të Qeverisë së Republikës së Turqisë, shefi i Logjistikës i Shtabit



të Përgjithshëm i Forcave të Armatosura të Republikës së Turqisë, gjenerallejtnant Atilla Gülan.

Marrëveshja për bashkëpunim në mes të MFSK-së dhe Forcave të Armatosura të Turqisë, në fushën e shëndetësisë ushtarake

parasheh bashkëpunimin në këto fusha: Trajnimi universitar i mjekësisë ushtarake, arsimimi i lartë i mjekësisë profesionale për nënoficerë, arsimimi i lartë i infermierisë, trajnim në fushën e stomatologjisë dhe në fushën e farmacistë, trajnimi para fillimit të misionit, kurset lidhur me misionin dhe trajnimi në vendin e punës, aktivitetet shkencore si: panelet, kongreset, seminarët, simpoziumet etj.

Gjithashtu në tekstin e Marrëveshjes janë të precizuara edhe fushat tjera, si: Trajtimi shëndetësor falas i 50 pacientëve, pjesëtarë të MFSK-së brenda vitit në spitalet ushtarake të Turqisë si dhe realizimi i projekteve të përbashkëta trajnimi për studentë të diplomuar dhe ushtarakë për studime pasuniversitare në

fushën e mjekësisë, shkëmbimin e instruktorëve, këshilltarëve, vëzhguesve, personelit të specializuar, stafit akademik dhe studenteve, trajtimi i pacientëve, bashkëpunimi në fushën e logjistikës mjekësore, vizitat në njësi, shtabe, spitalet ushtarake dhe institucionet tjera, organizimi i stërvitjeve të përbashkëta dhe dërgimi i vëzhguesve në stërvitjet e organizuara si dhe shkëmbimin e ndërsjellë të informacionit dhe asistencës në fushën e krijimit të institucionit ushtarak shëndetësor, funksionimin e tyre dhe afirimin e shërbimit shëndetësor.

Kjo vizitë u realizua në kuadër të thellimit të bashkëpunimit në mes Qeverisë së Republikës së Kosovës dhe Qeverisë së Republikës së Turqisë edhe në fushën e shëndetësisë ushtarake.

Kadetët e FSK-së treguan shkathtësi të jashtëzakonshme në ushtrimin fushor "Kampi i avancuar fushor 2014"



Ministri i FSK-së Agim Çeku i shoqëruar nga komandanti i Komandës së Forcave Tokësore (KFT-së) gjeneral major Rrahman Rama dhe komandanti i Komandës së Doktrinës dhe Stërvitjes (KDS-së), gjeneral brigade Enver Cikaçi, më 23.05.2014, vizituan aktivitetet e 33 pjesëtarëve të FSK-së në ushtrimin fushor "Kampi i avancuar fushor 2014" që po mbahet prej datës 16-25 maj 2014, të kadetëve të Qendrës për Studime Universitare (QSU), të Forcës së Sigurisë së Kosovës (FSK-së), në fshatin Zhegoc të Komunës së Gjilanit.

Fillimisht gjatë kësaj vizite para të pranishmeve foli komandanti i QSU-së kapiten Avni Kiçina i cili ua tregoi planin e detajuar të ushtrimit fushor "Kampi i avancuar fushor 2014" kërre të lartë të FSK-së, si dhe detyrat dhe fazat e operacionit të mbajtur në Zhegoc të Gjilanit, duke përmendur planifikimin dhe përgatitjen, dislokimin, realizimin e operacioneve, konsolidimin dhe ri-dislokimin në QSU.

Sipas kapiten Kiçinës qëllimi i këtij ushtrimi ka qenë përmbledhja e aktiviteteve trajnuese në shkencat ushtarake dhe lidhshme, si dhe vlerësimi i njohurive të fituara gjatë vitit akademik 2013/ 2014. "Jam shumë i kënaqur me motivimin dhe përkushtimin e jashtëzakonshëm të kadetëve të QSU-së që kanë treguar në këtë kamp, duke i përfshirë të gjitha gjeneratat" u shpreh komandanti i QSU-së.

Para kadetëve të FSK-së foli edhe ministri i MFSK-së, Agim Çeku, i cili tha se Akademia Ushtarake e Kosovës është njëra nga tregimet më të suksesshme dhe kjo po

dëshmohet edhe me rezultatet e kadetëve në këtë ushtrim. "Jam këtu që ta vizitojë kampin e akademisë ushtarake, kadetët e së cilës janë duke ushtruar skenarë të ndryshëm që në çdo situatë ti marrin detyrat konkrete. Mburrimi me akademinë ushtarake dhe me oficerët tanë të cilët janë të kompletuar si në aspektin e shkollimit civil edhe atë ushtarak", përfundoi ministri Çeku.

Një eksperiencë shumë e mirë ishte edhe për kadetin e vitit të katërt të QSU-së Ismail Hoxha. "Jemi në ditën e 7-të të ushtrimit fushor dhe kjo që po bëjmë ne është një eksperiencë e mirë, sepse ne i praktikojmë të gjitha aftësitë dhe njohuritë tona

ushtarake që i kemi mësuar në akademi. Çdo gjë këtu është më e vështirë se në qendër universitare, por ky vend këtu është sikur bota jonë me të cilën jemi mësuar të jetojmë" u shpreh kadet Hoxha.

Ushtrimi fushor "Kampi i avancuar fushor 2014" i kadetëve të FSK-së do të përfundojë më 25 maj 2014. Pjesëmarrës në këtë ushtrim ishin: ministri i FSK-së Agim Çeku, komandanti i Komandës së Forcave Tokësore (KFT-së), gjeneralmajor Rrahman Rama, komandanti i Komandës së Doktrinës dhe Stërvitjes (KDS-së), gjeneral brigade Enver Cikaçi, komandanti i QSU-së kapiten Avni Kiçina, përfaqësues të Ekipit Ndërlidhës Këshillues të NATO-s, si dhe oficerë të lartë të FSK-së.

Gjeneral Brahimaj priti atasheun ushtarak të Turqisë

Komandanti i Brigadës për Reagim të Shpejtë (BRSH) në Istog, gjeneral brigade Nazmi Brahimaj, me bashkëpunëtorë, priti në një takim pune atasheun ushtarak të Turqisë të akredituar në Republikën e Kosovës, kolonelin Hasan Aydogdu.

Me këtë rast, komandanti i BRSH-së, gjeneral Brahimaj i uroj mirëseardhje kolonelit Aydogdu dhe e njoftoi atë, me aktivitetet e përgjithshme që po zhvillon BRSH-ja, e sidomos u ndal me shumë në trajnimet e mbajtura me Ekipet Mobile Trajnuese Turke -EMTT. Në fund, gjeneral Brahimaj e falënderoi atasheun dhe Ekipet Turke, për kontributin e dhënë në trajnimin dhe në

ngritjen profesionale të pjesëtarëve të BRSH-së.

Koloneli Hasan Aydogdu, më pastaj, vizitoi edhe Batalionin e Dytë të BRSH-së, ku nga nënkolonel Mehmet Lladrovci, komandant i këtij batalioni u njoftua përmes një prezantimi të detajuar për misionin e Batalionit të Dytë, për strukturën, trajnimet, aktivitetet, operacionet dhe për bashkëpunimin me Ekipet Mobile Trajnuese Turke (EMTT).

Koloneli Aydogdu, atashe ushtarak i Republikës së Turqisë në Republikën e Kosovës, premtoi angazhim për bashkëpunim dhe ndihmë profesionale edhe në të ardhmen për FSK-në.



Certifikohen pjesëtarë të FSK-së, për Reagim të Shpejtë në Istog

Në kazermën "Ushtarët e NATO-s" të FSK-së, në Istog, më 5 maj 2014, u mbajt ceremonia e certifikimit të 27 pjesëtarëve të Kompanisë 2B, të Batalionit të Dytë të Brigadës për Reagim të Shpejtë (BRSH), pas një trajnimi tre mujor (21 janar 15 prill 2014), mbajtur nga Ekipet Trajnuese Turke (ETT), i cili trajnim është realizuar në kuadër të bashkëpunimit dypalësh në mes Forcave të Armatosura të Turqisë dhe FSK-së.

Shefi i Shtabit të BRSH-së, nënkolonel Jeton Dreshaj, me këtë rast, falënderoi Ekipet Trajnuese Turke, për kontributin që këto ekipe kanë dhënë dhe po japin në ngritjen



dhe profesionalizimin e pjesëtarëve të BRSH-së, ndërsa nga pjesëtarët e certifikuar, kërkoi që njohuritë dhe shkathtësitë e fituara ti bartin me sukses tek njësitet e tyre.

Ndërsa, koloneli Erdal Dodurga (këshillat i Komandantit të FSK), foli për rëndësinë dhe peshën që trajnimet e tilla kanë në zhvillimin dhe në ngritjen profesionale të

pjesëtarëve të FSK-së. Ai, njëherësh, çmoi lart bashkëpunimin e mirë në mes Forcave të Armatosura të Turqisë dhe FSK-së dhe shprehu gatishmërinë për mbështetjen e FSK-së, në forma të ndryshme edhe në të ardhmen. Në ceremoninë e certifikimit morën pjesë: komandanti i BRSH-së, gjeneral brigade Nazmi Brahimaj, koloneli Erdal Dodurga (këshillat i KOMFSK), koloneli Xhevahir Geci zëvendëskomandant i BRSH-së, nënkolonel Jeton Dreshaj, shefi i Shtabit të BRSH-së, komandanti i Batalionit të Dytë, nënkolonel Mehmet Lladrovci dhe instruktorët e Ekipet Trajnues Turke.

Gjeneral Kastrati priti një grup studentësh nga Miçigani i SHBA-s

Komandanti i Forcës së Sigurisë së Kosovës (FSK), gjeneralletenant Kadri Kastrati, më 12 maj 2014, priti në Ministri një grup studentësh të viteve II, III dhe IV, të Universitetit të Miçiganit "Grand Rapids-Komerstone", nga Shtetet e Bashkuara të Amerikës (ShBA). Grupi i studentëve kryesohej nga Erik Bensen, profesor i historisë së çështjeve botërore.

Në fillim gjeneral Kastrati u shpreh i lumtur që FSK-ja është institucion i cili ka nxitur kureshtjen edhe të studiuesve të rinjë, nga një vend mik, siç është ShBA-ja. Gjeneral



Kastrati duke iu drejtuar grupit të studentëve tha se ne si institucion jemi në partneritet me Gardën Kombëtare të Aiovës (AIOWA), duke cekur një varg aktivitete të

realizuara së bashku me oficerët dhe nënoficerët nga Aiova. Komandanti i FSK-së, gjeneral Kastrati u fokusua në shtjellimin e rrugëtimit të FSK-së që nga vitet

2009 e deri më tani kur edhe ka përfunduar procesi i Rishikimit Strategjik të Sektorit të Sigurisë.

Gjeneral Kastrati i njoftoi studentët amerikanë me misionin, strukturën detyrat dhe kapacitetet e Forcës së Sigurisë së Kosovës, pastaj edhe për përbërjen etnike dhe gjinore të pjesëtarëve të FSK-së. Gjithashtu, komandanti i FSK-së, gjeneralletenant Kadri Kastrati foli edhe për përkrahjen e FSK-së nga populli i Kosovës, bashkëpunimin rajonal dhe ndërkombëtar të FSK-së, si dhe angazhimin e FSK-së në opera-

cione dhe trajnime të përbashkëta në regjion e më gjerë.

Bashkëbisedimi me komandantin e FSK-së, gjeneral Kastratin, bëri që studentët të shtrojnë një varg pyetjesh, kryesisht rreth të ardhmes së FSK-së.

Më tutje rreth Rishikimit të Sektorit Strategjik të Sigurisë foli zonja Besa Kabashi Ramaj, këshilltare për politikë e ministrit Agim Çeku. Ajo tha se Republika e Kosovës e ka kryer me sukses procesin e RSSS-së dhe se ka identifikuar saktësisht nevojat e saj lidhur me sigurinë e vendit.

FSK përuroi urën mobile në fshatin Krushevë të Klinës

Ceremonia e përirimit të urës metalike në fshatin Krushevë të Vogël, solemnisht u bë më 16 maj. Në këtë ceremoni morën pjesë: ministri i FSK-së, Agim Çeku, komandanti i FSK-së, gjeneralletënant Kadri Kastrati, komandanti i KFT-së, gjeneral major Rrahman Rama, komandanti i Brigadës për Reagim të Shpejtë (BRSH) gjeneral brigade Nazmi Brahimaj, gjeneral brigade Ilaz Dërguti, komandant i Brigadës Mbështetëse Operacionale (BMO), shefi i Ekipit Ndërlidhës Këshillëdhënës të NATO-s (NLAT), gjeneral brigade Udo Schnittker, kryetari i Komunës së Klinës, Sokol Bashota, oficerë të lartë të FSK-së, si dhe qytetarë të fshatit.

Ura mobile e montuar nga Skuadra e urave të FSK-së, mbi lumin Drini i Bardhë, në fshatin Krushevë të Vogël, është e gjatë 33 metra dhe e gjerë 4 metra e gjysmë, e cila mbanë peshë deri në 20 tonë dhe është në shërbim

të banorëve të fshatit Krushevë dhe fshatrave përreth.

"Skuadra e urave e Batalionit të Xhenios të Brigadës Mbështetëse Operacionale të FSK-së, ngritjen e urës e ka filluar më 22 prill dhe e ka përfunduar më 16 maj, e kanë kryer 9 ditë para afatit të paraparë. Kjo është ura e dytë e kësaj madhësie që pjesëtarët e FSK-së po e ngritin pas asaj në Kramovikë të Gjakovës", tha përgjegjësi i skuadrës së urave, oficeri Ismail Tahiri.

Ministri i FSK-së, Agim Çeku, me këtë rast i ka përgëzuar pjesëtarët e FSK-së, të cilët e kanë bërë një punë të mirë me ndërtimin e kësaj ure e cila do të jetë në shërbim të qytetarëve të kësaj ane.

"FSK-ja ka bërë një punë të mirë, këtë e dëshmuar edhe folësit para meje, se sa është kjo urë më rëndësi për ta. Për këtë jemi këtu sot, me bashkëpunëtorët e mi, për përirimin e këtij projekti që është në vazhdim e projekteve të shumta që po realizojnë FSK-ja,

për t'u dalë në ndihmë komuniteteve dhe qytetarëve të Kosovës. Të gjitha projektet që i ka realizuar FSK-ja, si dhe më parë TMK-ja, janë në shërbim të gjithë qytetarëve të këtij vendi. FSK-ja ka ndërtuar shumë ura të cilat janë simbole që lidhin dy anët e lumit, por edhe që e lidhin FSK-në me qytetarët. Edhe kjo urë po dëshmon se ushtarët e Kosovës janë në shërbim të qytetarëve. Kjo urë është gjithashtu dëshmi se FSK-ja është në shërbim të lehtësimit dhe të mbrojtjes së tyre, por edhe për t'ua lehtësuar dhe përmirësuar kushtet. Ky projekt për neve është shumë me rëndësi sepse është në shërbim të qytetarëve dhe kjo po dëshmon aftësitë profesionale të FSK-së. Nuk ka qenë projekt i lehtë, por djemtë dhe vajzat e FSK-së, janë të përgatitur për realizimin e projekteve të tilla. Këtë projekt e kanë kryer para afatit të përcaktuar dhe kjo dëshmon për aftësitë profesionale të FSK-së".



Në fund, ministri Agim Çeku premtoi: "Projekte të tilla do të ketë edhe në të ardhmen, kudo që kanë nevojë qytetarët tanë. Nuk ka detyrë që nuk mund ta kryejmë, dhe që është në shërbim të qytetarëve të Kosovës", shtoi në fund ministri i MFSK-së, Agim Çeku.

Ndërsa, në emër të fshatit të pranishmit i përshëndeti prof. Dodë Prenaj, i cili, fillimisht, falënderoi FSK-në, ministrin Çeku

dhe komandantin e FSK-së, gjeneral Kastratin. Më pas ai foli edhe për rëndësinë që ka kjo urë për 85 familje të këtij fshati si dhe për banorët e fshatrave përreth. Prerjen e shiritit në mënyrë simbolike e bënë: ministri i MFSK-së, Agim Çeku, kryetari i Komunës së Klinës Sokol Bashota, kryetari i fshatit Llesh Skelaj dhe shefi i Ekipit Ndërlidhës Këshillëdhënës të NATO-s (NLAT), gjeneral brigade Udo Schnittker.

Bashkëpunim i mirë në mes FSK-së dhe Forcave Amerikane për Evropë

Rreshter majori i Komandës së Forcave Amerikane për Evropë, David Davenport, me bashkëpunëtorë, më 13 maj 2014, zhvilloi një vizitë pune në Forcën e Sigurisë së Kosovës, me qëllim koordinimi rreth thellimit të mëtejme të bashkëpunimit në mes të

Ushtrisë Amerikane, Komandës në Evropë dhe Forcës së Sigurisë së Kosovës. Vizita u realizua në ambientet e Komandës së Doktrinës dhe Stërvitjes në Ferizaj, ku fillimisht u prit nga Komandanti i Komandës së Doktrinës dhe Stërvitjes (KDS), gjeneral

brigade Enver Cikaqi si dhe nënoficerë të lartë të FSK-së, kryesuar nga rreshter majori i FSK-së, Genc Metaj. Rreshter major David Davenport gjatë gjithë kohës shoqërohej edhe nga rreshter majori Allen Dahl, nga Zyra e Bashkëpunimit për Mbrojtje pranë Ambasadës

së Shteteve të Bashkuara të Amerikës (ShBA) në Prishtinë. Qëllimi i takimit ishte thellimi i bashkëpunimit në mes të Forcave Amerikane për Evropë dhe Forcës së Sigurisë së Kosovës në zhvillimin dhe avancimin e mëtutjeshëm të trupës së nënoficerëve. Forcat Amerikane për Evropë

janë bashkëpunëtorët kryesorë në zhvillimin e kurseve institucionale për nënoficerë. Deri më tani, mbi 120 nënoficerë të FSK-së, kanë kryer trajnime në Akademinë e Nënoficerëve në Grafenwoerh të Republikës Federale të Gjermanisë dhe në qendrat tjera të trajnimeve.

Seminar për implementimin e Planit të Veprimit të Qeverisë për zbatimin e Rezolutës 1325 "Gratë, Paqja dhe Siguria"

Njësisia për të Drejtat e Njeriut në Ministrinë për Forcën e Sigurisë së Kosovës (MFSK) dhe Zyrtarja për Barazi Gjinore në Komandën e Forcave Tokësore (KFT), më 8 maj 2014, kanë mbajtur seminar për Anëtarët e Rrjetit për të Drejtat e Njeriut dhe Barazi Gjinore nëpër Njësitë e FSK-së. Seminari kishte për qëllim njohimin me Rezolutën 1325 "Gratë, Paqja dhe Siguria" të Këshillit të Sigurimit të Kombeve të Bashkuara (KSOKB) dhe detyrat që dalin nga Plani i Veprimit për zbatimin e kësaj rezolute i miratuar nga Qeveria e Republikës së Kosovës (29 janar 2014).

Halime Morina-Lupçiqi, shefe e Njësisë për të Drejtat e Njeriut në MFSK, i njoftoi të pranishmit për Rezolutën 1325 "Gratë Paqja dhe Siguria" të KS të OKB-së dhe detyrat që dalin nga Plani i Veprimit. Zonja Morina, ndër të tjera tha: Pjesëmarrja e femrave në Institucionet e Sigurisë është, në radhë të parë, çështje e të drejtave të njeriut, që e prek të drejtën e femrave për profesionin e ushtarakut. Ajo shtoi



gjithashtu, se pozicioni i grave sot nuk është thjesht një koncept sasior, por nënkupton kufijtë e nevojshëm të përfshirjes së grave në proceset e shtet ndërtimit. Nëse femrat përfshihen nga pjesëmarrja në institucione të tilla të rëndësishme, siç janë institucionet e sigurisë, respektivisht Forca e Sigurisë së Kosovës, ato vendosen në pozitë të pabarabartë, theksoi Halime Morina-Lupçiqi.

Para anëtarëve të rrjetit të FSK-së znj. Morina-Lupçiqi, prezantoi publikimin e Broshurës për të

Drejtat e Njeriut dhe Barazi Gjinore, duke numëruar një varg të drejtave të njeriut dhe barazisë gjinore në MFSK dhe FSK.

Hadije Binaku, Zyrtare për Barazi Gjinore në KFT, diskutoi për aktivitetet konkrete që do të ndërmerren në FSK, në kuadër të realizimit të Planit të Veprimit për zbatimin e Rezolutës 1325, si dhe kërkoi veprim aktiv për implementim të rekomandimeve.

Ndërsa për perspektivën gjinore sipas legjislacionit vendor dhe



ndërkombëtar foli Krenare Sogojeva - Dermaku, drejtore e Departamentit Ligjor në MFSK. Znj. Dermaku, ndër të tjera theksoi: Korniza ligjore e Republikës së Kosovës garanton të drejta të barabarta për të gjithë pa dallim dhe të gjithë pjesëtarëve të FSK-së u ofrohet trajtim pa dallim gjinie e etnie, çmohen dhe të respektohen si individë dhe mbështeten e shpërblehen sipas rregullave dhe kushteve proporcionale të shërbimit. Të gjitha normat ligjore, janë në harmoni të plotë me standardet e NATO-s.

Po ashtu theksoi se në Ministrinë e Forcës së Sigurisë së Kosovës ekziston dhe vepron Ekipi Këshillues i NATO-s, i cili këshillon të gjitha departamentet në profilet përkatëse. Anëtarët e Rrjetit për të Drejtat e Njeriut dhe Barazi Gjinore nëpër Njësitë e FSK-së, pjesëmarrëse në seminar, shfaqën interesim dhe diskutuan mbi aktivitetet konkrete nëpër njësi që do të afrojnë angazhimet që dalin nga Rezoluta 1325 "Gratë, Paqja dhe Siguria" të Këshillit të Sigurimit të Kombeve të Bashkuara (KSOKB).